



## AKT THEMELIMI I SHOQERISE ME PERGJEGJESI TE KUFIZUAR

Sot me daten 29.9.1998 ne Korce une ortaku i vetem Vasil Kapurani, i biri i Leonidhas, i datelindjes 1963, lindur ne Sarande dhe banues ne Korce, ne mbeshtetje te ligjit Nr 7512 date 10.08.1991, ligjit Nr 7632 date 04.11.1992, ligjit Nr 7638 date 19.11.1992, vendosa te krijoj nje shoqeri tregetare te formes dhe me permbajtjen e meposhtme:

### Neni 1

Themelohet ne Korce shoqeria me pergjegjesi te kufizuar e quajtur "**VASILI**". Qendra dhe selia e saj ndodhen ne qytetin e Korces ne adresen: Bulevard "Gjergj Kastrioti Skenderbej".

Shoqeria mund te krijojte dege e agjensi edhe ne qytete te tjera te Shqiperise.

### Neni 2

Shoqeria eshte person juridik shqiptar dhe veprimtaria e saj do te zhvillohet ne perputhje me legjislacionin shqiptar ne fushen e prodhimit, tregetimit, doganore, tatimore dhe ne te gjitha veprimtarine juridiko-civile.

### Neni 3

Objekti i veprimtarise se shoqerise do te jete: sherbim hotelerie dhe ushqim social, agjensi dhe transport turistik, qender biznesi dhe kembim valute, njesi tregetimi bizhuterie dhe artistike.

### Neni 4

Veprimtaria e shoqerise do te zgjate me afat te papercaktuar. Veprimtaria do te filloje mbas regjistrimit te shoqerise ne regjistrin tregetar.

### Neni 5

Kapitali themeltar i shoqerise eshte 29607384 leke dhe perbehet nga kapitali ne natyre i ndare prej ish shoqerise anonime "ILIRIA" Korce me vendimin nr. 11972/4 date 1.10.1998 te Gjykates Rrethit Tirane.

### Neni 6

Ortaku mban pergjegjesi per shkeljet e fajshme qe kane sjelle deme ne veprimtarine ekonomike-financiare te shoqerise.

Humbjet perballohen prej tij deri ne masen e kapitalit te investuar ne shoqeri.

#### Neni 7

Fitimi i realizuar nga shoqeria i perket ortakut, mbasi shlyhen te gjitha detyrimet qe ka shoqeria ndaj organeve doganore, fiskale, administrative dhe ndaj te treteve, si dhe krijimit te fondit te "rezerves se domosdoshme".



#### Neni 8

Mbas regjistrimit te shoqerise ne regjistrin tregetar, ajo do te paraqitet ne qarkullimin civil tregetar, mbasi te pajiset me lejen per ushtrim profesionali nga organi tatimor.

Afati i veprimtarise mbaron me plotesimin e kohes se parashikuar ne kete akt themelimi. Ortaku mund te heqe dore nga shoqeria para perfundimit te afatit, sipas kushteve te lejuara nga statuti.

#### Neni 9

Veprimtaria ekonomiko-financiare e shoqerise si dhe investimet e saj, ne baze te ligjit, do te gezojne mbrojtjen e shtetit, i cili krijon kushtet per ushtrimin e veprimtarise si per te gjithë personat juridike.

#### Neni 10

Detyrimet e ortakut jane:

- regjistrimi dhe marrja e lejes per fillimin e veprimtarise;
- fillimi i aktivitetit prodhues-tregetar;
- sigurimi i makinerive e paisjeve, i lendeve te para e materialeve ndihmese per ushtrimin e veprimtarise;
- sigurimi i fuqise puntore e personelit administrativ;
- sigurimi i rrjetit elektrik e teknik te nevojshem per objektet qe do te perdore shoqeria;
- gjetja e tregut per shitjen e artikujve;
- gjetja e tregjeve per furnizimet e materialeve;
- pjesmarrja aktive ne veprimtarine e shoqerise.

#### Neni 11

Organet drejtuese te shoqerise jane:

- ortakut i vetem;
- administratori;

Organ verifikimi e kontrolli eshte eksperti kontabel i autorizuar.

#### Neni 12

Ortakut, si dhe te punesuarit ne shoqeri, jane te detyruar te ruajne sekretin e krijimit, te veprimtarise si dhe ato fakte, qe jane te destinuara te mbeten sekret, te shoqerise. Ata mbajne pergjegjesi ne rastet kur vertetohet se i jane shkaktuar detyrime shoqerise nga mosrespektimi me dashje ose nga pakujdesia i kesaj dispozite.

Neni 13

Ne rastet kur ortakut heq dore nga shoqeria para perfundimit te afatit,mban pergjegjesi per shkaktimin e demit shoqerise dhe detyrohet t'i shlyeje ato.Masa dhe menyra e percaktimit te fajesise dhe e shlyerjes se demit eshte ajo e percaktuar ne dispozitat e Kodit Civil ne fuqi,te ligjit "Per shoqerite tregetare" dhe legjislacioni tjeter ne fuqi.

Neni 14


Mosmarreveshjet e lindura dhe qe nuk mund te zgjidhen me pajtim brenda shoqerise,zgjidhen nga gjykata.Gjykata kompetente per zgjidhjen e mosmarreveshjeve eshte Gjykata e Rrethit Korce.

Neni 15

Ky akt themelimi legalizohet para nje noteri ,mbasi eshte nenshkruar prej ortakut themelues.

**ORTAKU THEMELUES**

Vasil Kapurani



REPUBLIKA E SHQIPËS  
DHOMA E NOTEREVE KORCE  
NOTER PUBLIK


Nr 3319 rep. 2113 kol.

**VERTETIM NENSHKRIMI**

Sot me daten 29 Shtator 1998 ne Korce,para meje u paraqit shtetasi Vasil Kapurani,i biri i Leonidhas, i datelindjes 1963, lindur ne Sarande dhe banues ne Korce, i njohur prej meje personalisht,i cili deklaroi se eshte dakort me akt themelimin e mesiperm,te cilin e ka nenshkruar vete me doren e tij,me vullnet te lire e te pavesuar,dhe kerkoi noterizimin e tij.

Nga ana ime nuk shihet ndonje pengese ligjore,prandaj vertetoj sa me siper dhe po.

Noter





# STATUT

## I SHOQERISE "VASILI" SHPK

Sot me daten 29. 9. 1998 ne Korce, ortaku i vetem i kesaj shoqerie :

1- Vasil Kapurani, i biri i Leonidhas, i datelindjes 1963, lindur ne Sarande dhe banues ne Korce, me shtetesi shqiptare, ne perputhje me legjislacionin ne fuqi, harton kete statut lidhur me organizimin, administrimin dhe drejtimin e shoqerise.

### I. DISPOZITA TE PERGJITHSHME

#### Neni 1

Shoqeria me emrin "VASILI" ShPK rregullon poziten juridike te themeluesit, te organeve drejtuese te saj si dhe marredheniet me te punesuarit, me personat e trete, organet fiskale e administrative ne pajtim me ligjet Nr 7512 date 10.8.1991, Nr 7632 date 4.11.1992, Nr 7638 date 19.11.1992, Nr 7667 date 28.1.1993 dhe legjislacionin tjeter ne fuqi.

#### Neni 2

Shoqeria ka qendren e vet ne qytetin e Korces ne adresen: Bulevard "Gjergj Kastrioti Skenderbej". Ajo mund te krijojë dege e agjensi edhe ne rrethe te tjera te Shqiperise.

#### Neni 3

Shoqeria eshte shoqeri shqiptare dhe ka statusin e personit juridik shqiptar.

#### Neni 4

Shoqeria ka per objekt te veprimtarise se saj: sherbim hotelerie dhe ushqim social, agjensi dhe transport turistik, qender biznesi dhe kembim valute, njesi tregetimi bizhuterie dhe artistike.

#### Neni 5

Shoqeria pergjigjet per detyrimet qe krijon ne veprimtarine e saj me fondet e veta. Kur keto jane te pamjaftueshme, ortaku mund te vendose shtimin e kapitalit deri ne masen qe mbulon humbjet.

#### Neni 6.

Shoqeria per nevojat e veprimtarise se saj nuk pengohet te marre nga citado banke, qe vepron ne Republiken e Shqiperise dhe jashte saj, kredi ne kushtet e lejuara nga legjislacioni shqiptar.

#### Neni 7

Ortaku nuk pengohet te marre pjese ne shoqeri te tjera dhe te krijojë te drejta pronesie personalisht ose me persona te tjere.

#### Neni 8

Shoqeria eshte "shoqeri me pergjegjesi te kufizuar" ku, ortaku perballon humbjet deri ne masen e kapitalit themeltar te investuar. Shoqeria perbri emertimit te saj shenon edhe inicialet "ShPK" si dhe shumen e kapitalit.

Ne kushtet e lejuara nga nenet 73 dhe 77 te ligjit "Per shoqerite tregetare", shoqeria mund te shnderrohet ne shoqeri kolektive, komandite dhe anonime.



#### Neni 9

Shoqeria priset ne rast se kapitali i ortakut, per shkak te detyrimeve te tij, i kalon nje ose disa personave te tjere.

Shoqeria priset edhe ne rastin e vdekjes se ortakut, neqoftese trashegimtarete e tij nuk deshirojne te hyjne ne shoqeri, ose jane te paafte per kete.

Shoqeria priset gjithashtu ne rast falimentimi, privimi i te drejtave te ortakut per te ushtruar kete veprimtari ose profesionin e tregetarit, si dhe ne rastin e paafetise se ortakut.

### II. TE DREJTAT DHE DETYRIMET E ORTAKUT

#### Neni 10

Ortaku i gezon te drejtat e tij nepermjet vendimeve qe merr. Ai ka keto te drejta kryesore:

- Mbikqyr dhe orienton veprimtarine prodhuese, tregetuese dhe ekonomiko-financiare te shoqerise;
- Merr ne cdo faze te veprimtarise dijeni mbi gjendjen e kapitalit dhe llogarive te shoqerise;
- Terheq ne cdo kohe dokumentacionin kryesor te shoqerise, si raportin e administrimit, inventaret e ndryshme dhe llogarite tremujore e vjetore per tre vjetet e fundit;
- Kerkon shpjegime per cdo material te paraqitur ne mbledhjen e asamblese se ortakeve, ose kontrollon dokumentat e nevojshme shoqeruese te materialit te paraqitur;
- Merr nga administratori, 15 dite para mbledhjes, raportin e administrimit dhe projektin e vendimeve qe do te shqyrtoje si ortak i vetem;
- Miraton llogarite brenda 6 muajve nga mbyllja e vitit financiar;
- Kontrollon cdo aktivitet prodhues e tregetues vete ose me nje ekspert kontabel;
- Ortaku jo administrator ka te drejte t'i paraqese me shkrim, dy here ne vit, administratorit, disa pyetje per probleme qe vene ne dyshim vazhdueshmerine e veprimtarise se shoqerise;
- Heq dore nga shoqeria ne kushtet e parashikuara nga akti i themelimit dhe statuti.

#### Neni 11

Ortaku ka keto detyra kryesore:

- Depoziton, brenda afatit te kerkuar, kapitalin themelor ne te holla, ose vene ne disponim te shoqerise kapitalin ne natye sipas kontrates se themelimit;
- Pagan, kur eshte rasti, kuoten suplementare per plotesimin e detyrimeve te shoqerise per te perballuar humbjet;
- Percakton organet perfaqesuese dhe ekspertet kontabel ne rast mosmarreveshjes;
- Ploteson detyrimet e shoqerise ndaj te treteve;
- Informon organet drejtuese mbi mundesite e permirosimit e zhvillimit te veprimtarise prodhuese e tregetuese;

### III. KUSHTET EKONOMIKE

#### Neni 12

Kapitali i shoqerise eshte 29607384 (njezetente milion e gjashteqindeshtatemije e treqindetetedhjetekater) leke dhe perbehet nga kontributi ne natyre e likuiditet, qe vjen nga ndarja ne natyre pa likuidim e Shoqerise Anonime "Iliria" Korce me vendimin nr. 11973/4 date 1. 10. 1998. Ky kapital eshte i ndare ne 2961 pjese me vlere 10000 leke sejcila).

Administratori e pajis ortakun me dokumentin e dedhjes se kuotes se kapitalit themelor.

#### Neni 13

Shoqeria mund te bleje pasuri te tjera me te ardhurat e saj, te cilat mund t'i disponoje sipas vendimit te ortakut.

#### Neni 14

Emetimi i letrave me vlere, subvencionimi i tyre ose garantimi i letrave te emetuara prej shoqerise eshte i ndaluar.

Cdo marreveshje tjeter ne kundersizim me kete dispozite eshte e pavlefshme.



#### Neni 15

Pasurite e shoqërise pasqyrohen në bilancet e saj me vlerë të shprehur në monedhën e vendit ose në monedhë të huaj, të konvertueshme në momentin e vlerësimit.  
Bilanci vjetor paraqitet brenda datës 31 Mars të vitit pasardhës.

#### Neni 16

Kapitali i ortakut është lirisht i transferueshem tek trashëgimtarët ligjorë dhe tek bashkeshorti në rast ndarje pasurore. Ai është lirisht i transferueshem ndërmjet bashkeshortëve si dhe ndërmjet paraardhësve e pasardhësve.

Kapitali themeltar mund t'u transferohet edhe personave të tretë me vendim të ortakut të vetëm.

#### Neni 17

Subjektet që përfitojnë nga transferimi, detyrohen të disponojnë kapitalin e përfituar për nevojat e shoqërise, duke marrë parasysh të gjitha të drejtat e detyrimit që kishte mbajtësi i kapitalit.

Cdo transferim do të evidentohet me shkrim dhe vërtetohet nga noteri, duke u bërë edhe ndryshimet përkatëse në regjistrin tregëtar.

#### Neni 18

Kapitali fillestar i shoqërise zmadhohet ose zvogëlohet me miratimin e ortakut.

Zmadhimi i kapitalit në para ose në natyrë bëhet si në rastin e kapitalit themeltar në momentin e krijimit të shoqërise.

Zvogëlimi i kapitalit fillestar mund të vendoset nga ortakutë të cilët i vihen në dispozicion projektet e zvogëlimit jo më vonë se 30 ditë para ditës që do të vendoset.

Zvogëlimi i kapitalit lejohet vetëm në rastet kur nuk krijon pasiguri tek kreditorët dhe nuk demton interesat e tyre lidhur me kredite të dhëna para publikimit të zvogëlimit të kapitalit.

#### Neni 19

Shoqëria disponon lirisht mjetet e saj financiare. Detyrimet që krijohen, i shlyen me të ardhurat që realizon, të administruara në fonde të vecanta. Kur këto fonde janë të pamjaftueshme, mund të zmadhohen kapitalin themeltar deri në plotësimin e detyrimeve ndaj të tretëve, mbas miratimit nga ortakutë.

Shoqëria krijon "rezervën e domosdoshme" nga fitimi i vitit financiar, prej të cilit derdh në këtë fond një vlerë prej 1/20 pjesë deri në masën 10% të kapitalit themeltar.

#### Neni 20

Në rast se kapitali i shoqërise rezulton me pak se gjysma e kapitalit themeltar, për shkak të humbjeve, ortakutë vendos zvogëlimin e kapitalit themeltar, ose në rast të kundërt, prishjen e parakohshme të shoqërise.

#### Neni 21

Fitimi i shoqërise, që rezulton mbasi zbritet bilanci negativ i saj i takon ortakut. Fitimi është lirisht i transferueshem jashtë Republikës së Shqipërisë.

Fitimi mund të përdoret edhe për investime të tjera në Shqipëri, për pjesëmarrje në shoqëri të tjera dhe për çdo qëllim që cmohet nga ortakutë.

#### Neni 22

Piani financiar parashikon aktivin dhe pasivin e aktivitetit ekonomik të shoqërise të shprehur në leke ose në valute të huaj të konvertueshme në Shqipëri.

Kontabiliteti do të mbahet në Shqipëri, por edhe në vend tjetër në rast se vendos ortakutë, dhe kontrollonhet prej organeve financiare shqiptare.

#### IV. ADMINISTRIMI



##### Neni 23

Organi vendimor i shoqërise është "ortaku i vetëm", i cili vendos për të gjitha çështjet që marrin në shqyrtim. Vendimet evidencohen në një regjister të posaçëm. Ai ka të drejtë të delegojë kompetencat e tij.

Ortaku i vetëm mund të shqyrtojë çështje të shoqërise sa herë ai e shikon të arsyeshme. Për çështjet që shqyrton, ai ka të drejtë të kërkojë ndihmën e një eksperti kontabel, i cili detyrohet të ruajë sekretin profesional.

##### Neni 24

Ortaku i vetëm shqyrton të gjitha çështjet me të rendësishme si miratimin e aktit të themelimit dhe të statutit të shoqërise, ndryshimet e statutit, bilanci vjetor dhe tremujor, shtimin dhe zvogelimin e kapitalit themeltar, emerimin dhe shkarkimin e administratorit, përcaktimin e drejtimeve kryesore të veprimtarisë së shoqërise, krijimin e filialeve, të degëve ose agjensive dhe shkrirjen ose mbylljen e aktivitetit të tyre, emerimin e ekspertit kontabel, prishjen e shoqërise dhe caktimin e likuidatorit.

##### Neni 25

Shoqëria do të administrohet nga Z. Vasil Kapurani, i cili përfaqëson shoqërinë në të gjithë veprimtarinë e saj.

Administratori ka këto kompetenca:

- kryen të gjitha veprimet në interes të shoqërise, përveç atyre që shprehimisht i ka ortakut;
- miraton llogaritë ekonomike mbas përfundimit të tyre nga administrata;
- përgatit raportin vjetor për veprimtarinë e shoqërise dhe ja paraqet ortakut të vetëm;
- siguron zbatimin e vendimeve që merr ortakut i vetëm;
- paraqet para ortakut të vetëm propozimet konkrete për ndryshimet në kapitalin themeltar;
- i propozon ortakut të vetëm mundësinë e krijimit të filialeve, degëve dhe zyrave të nevojshme për veprimtarinë e shoqërise;
- propozon strukturën e administratës për mbarevajtjen e punës së shoqërise;
- i paraqet ortakut të vetëm akte që rregullojnë marrëdhëniet me kuadrin ose të punësuarit sipas kompetencës;
- përzgjedh e propozon tek ortakut i vetëm eksperte kontabel dhe likuidatorin;
- propozon numurin e përgjithshëm të puntoreve dhe pagat e tyre;
- përfaqëson shoqërinë në organet administrative, gjyqësore, doganore, fiskale e ato të pushtetit dhe zgjidh mosmarrëveshjet me të tjerët;
- nënshkruan për llogari të shoqërise kontratat, përveç atyre që ortakut i vetëm i gjykon të kompetencës së tij;
- lidh kontratat individuale e kolektive të punës.

Për të gjitha veprimet e kryera prej tij, administratori mban përgjegjësi para ortakut të vetëm.

##### Neni 26

Administratorët janë përgjegjës individualisht për demet që i kanë sjellë shoqërise nga shkeljet e statutit, dispozitave ligjore ose veprimeve të tjera me faj të kryera gjatë administrimit.

Aktet e administratorit e ngarkojnë shoqërinë teresisht, me përjashtim kur personat e tretë e dinin se veprimi i administratorit kalonte kompetencat e veprimtarisë së shoqërise.

##### Neni 27

Në rastet kur midis shoqërise dhe ortakut të vetëm janë arritur marrëveshje të caktuara, administratori bën shënimin përkatës në regjistrin e çështjeve të shqyrtuara.

## V. EKSPERTI KONTABEL

### Neni 28

Shoqeria cakton ekspert kontabel per nje periudhe prej 6 vitesh financiare, te cilet emerohen nga ortakut i vetem. Ai emerohet edhe zvendos ekspert kontabel te autorizuar, ne rast mospranimi, pengimi, doreheqje ose vdekje te ekspertit kontabel.

Ekspertet kontabel mbajne pergjegjesi per shqyrtimin e llogarive dhe rregullshmerine e tyre.

Ata mbajne pergjegjesi per demet qe i shkaktone shoqerise nga pasaktesia e mbajtjes se llogarive dhe nga verifikimi i gabuar i tyre.

Themeluesit, administratoret, personat e afert gjini te tyre deri ne shkallen e katert te gjinise e krushqise, bashkeshortet e tyre, drejtuesit e filialeve e te zyrave te shoqerise nuk mund te ngarkohen me detyren e eksperteve apo zvendos eksperteve kontabel.

Nuk mund te caktohen eksperte kontabel personat qe kane qene administratorë ose te punesuar ne kete shoqeri deri pese vjet nga koha e largimit te tyre nga kjo shoqeri.

### Neni 29

Ne rast gabimi ose pengimi eksperti kontabel i autorizuar shkarkohet nga gjykata me procedure urgjente.

### Neni 30

Eksperti kontabel ka keto detyra:

- garanton qe llogarite vjetore jane te rregullta;
- pershtatjen e kontabilitetit me legjislacionin ne fuqi;
- perputhjen e informacioneve te dhena ne raportin e administrimit me llogarite vjetore;
- ne cdo kohe te vitit ben te gjitha verifikimet e kontrollet, qe gjykon te nevojshme.

### Neni 31

Ekspertet kontabel mund te ndihmohen edhe nga eksperte ose bashkepuntore, qe i zgjedhin vete, duke ja u bere me pare te njohur shoqerise.

### Neni 32

Ekspertet kontabel njoftone ortakun e vetem per verifikimet qe kane kryer dhe sondazhet qe kane bere.

### Neni 33

Ekspertet kontabel paguhet me honorare.

## VI. MARREDHENIET E PUNES

### Neni 34

Marredheniet e punes ne shoqeri rregullohen ne perputhje me marreveshjen per themelimin e shoqerise, dispozitat e statutit te saj dhe legjislacionin shqiptar te punes.

Neni bel paguhet me honorare.

## VI. MARREDHENIET E PUNES

### Neni 34

Marredheniet e punes ne shoqeri rregullohen ne perputhje me marreveshjen per themelimin e shoqerise, dispozitat e statutit te saj dhe legjislacionin shqiptar te punes.

### Neni 35

Punesimi ne shoqeri behet sipas kontrates individuale te punes per cdo te punesuar ose grup te punesuarish. Marredheniet midis shoqerise dhe sindikates rregullohen nga kontrata kolektive e punes.



## VII. SHNDERRIMI, BASHKIMI, NDARJA DHE LIKUJDIMI

### Neni 36

Shnderrimi i shoqerise ne shoqeri kolektive ose komandite behet me miratimin e ortakut te vetem, ndersa shnderrimi i saj ne shoqeri anonime behet, vetem pasi shoqeria te kete hartuar dhe te kete aprovuar nga ortakut i vetem bilancin e dy viteve te fundit te aktivitetit te saj.

Vendimi per shnderrimin e shoqerise ne nje forme tjeter merret pasi te paraqitet raporti mbi gjendjen e shoqerise nga nje ekspert per shnderrimin.

### Neni 37

Shoqeria mund te ndahet ose te bashkohet ne shoqeri te tjera me vendim te ortakut te vetem.

Bashkimi ose ndarja sjell prishjen pa likuidim te shoqerise qe zhduket dhe kalimin e plote te trashegimise se saj tek shoqerite perfituese, ne gjendjen ne te cilen ndodhet kjo trashegimi ne daten e realizimit perfundimtar te operaconit. Bashkimi ose ndarja sjell njekohesisht per ortakun e shoqerise qe zhduket marrjen e cilesise se ortakut te shoqerive perfituese sipas kushteve te percaktuara ne kontraten e bashkimit ose te ndar es.

### Neni 38

Shoqeria do te vazhdoje veprimtarine pa afat te caktuar, nga data e regjistrimit te saj ne regjistrin tregetar.

Veprimtaria e saj mund te nderpritet kur:

- nuk rezulton rentabel gjate dy vjeteve te veprimtarise se saj;
- kur parashikohet ne dispozitat e statutit ose aktin e themelimit;

### Neni 39

Kur vendoset shkrirja e shoqerise, ortakut i vetem cakton likuidatorin ose keshillin e likuidimit, te cilet paraqesin bilancin e likuidimit.

Shoqeria gjate likuidimit mban shenimin "shoqeri ne likuidim e siper".

Prishja e shoqerise krijon pasoja ndaj te treteve mbas dates se publikimit te prishjes ne regjistrin tregetar.

### Neni 40

Ortakut i vetem thirret ne fund te procesit te likuidimit per te vendosur bilancin financiar perfundimtar, aktin e rregullshmerise se likuidimit dhe heqjen e mandatit te likuidatorit.

### Neni 41

Kur ortakut nuk vendos per aktet e mbylljes se likuidimit, likuidatori ose cdo person tjeter i interesuar, kerkon mbylljen e likuidimit.

Aktet e mbylljes se likuidimit se bashku me llogarite perfundimtare, depozitohen ne regjistrin tregetar.

### Neni 42

Mbas mbylljes se likuidimit dhe depozitimit te dokumentave ne regjistrin tregetar, shoqeria c' regjistrohet prej tij.

## VIII. DISPOZITA TE FUNDIT

### Neni 43

Likuidatori eshte pergjegjes per demet qe i shkakton shoqerise nga gabimet qe ka bere ne ushtrimin e detyres e funksionit te tij. Ai pergjigjet edhe per demet qe u shkakton te treteve gjate periudhes se likuidimit duke vepruar me kete cilesi.

Padia kunder likuidatorit parashkruhet me kalimin e afatit 3 vjecar nga data kur eshte kryer veprimi i demshem, ose nga data e zbulimit kur ka qene i fshehur.

Ne rastet kur veprimi i demshem perben krim, padia parashkruhet me kalimin e 10 vjeteve.

Neni 44

Nepunesit e shoqerise si dhe te ngarkuarit me pune prej saj ose nga ortakut i vetem dhe personat e tjere qe punojne per llogari te saj,mbajne pergjegjesi penale kur kosntatohet se me dashje shkelin detyrat e ngarkuara,qe i shkaktojne humbje shoqerise,ose me ndergjegje paraqesin te dhena te paverteta.

Neni 45

Statuti hyn ne fuqi mbas regjistrimit te shoqerise ne regjistrin tregetar ku depozitohet edhe kopja e tij.



ORTAKU I VETEM  
Vasil Kapurani

REPUBLIKA E SHQIPËRISE  
DHOMA E NOTEREVE KORCE  
NOTER PUBLIK  
Nr 3319 rep. 2113 kol.

#### VERTETIM NENSHKRIMI

Sot me daten 29/9/1998 ne Korce,para meje u paraqit shtetasi Vasil Kapurani, i biri i Leonidhas, i datelindjes 1963, lindur ne Sarande dhe banues ne Korce, i njohur prej meje personalisht, i cili deklaroi se eshte dakort me statutin e mesiperm dhe e ka nenshkruar ate me doren e tij,me vullnet te lire e te pa vesuar, duke kerkuar edhe noterizimin e tij.

Meqenese nga ana ime nuk shihet ndonje pengese ligjore,vertetoj sa me sipër dhe noterizoj kete akt.



Noter